

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3206 del 31/10/2025

Manà fora su Trentino Tv l program l vegn endrezà dal Comun General de Fascia

“Pedies”: en sabeda 1m de november vegn fora la puntata #510 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 510. I argomenc che vegn portà dant te la puntata de chesta setemèna l é:

Te Palaz de la Region a Trent ge é stat dedicà na esposizion al artist fascian Virgilio Sorapera de la Zoch a 10 egn da sia mort. Virgilio l é stat n artist che l à sapù leèr èrt e sentiment identitèr, col contèr de nosc raion da mont e de la jent de Fascia.

L Cor Valfassa à portà dant “Ciantèr sa mont” la 20eisema rassegna de cores a chela che l à envià ence l cor Laudamus, da Nerviano apede Milan e l cor Castel Penede da Nago-Torbole. L Cor Valfassa, metù sù acà 55 egn, anter storics e neves, l é metù ensema da 35 ciantores, e l vèrda inant con voa de se miorèr e crescer.

La Sociazion “Sul fronte dei ricordi” e sie President Livio Defrancesco col didament de la storica Maria Picolin, l’à portà dant n liber nef che l conta de Sèn Pelegrin e de sia storia. “Passo San Pellegrino nelle Dolomiti: teatro di incontri e guerra” l porta dant devalives aspec leé a la storia, vita da zacan e confins, con ence de bela foto mai publicade dant.

I servijes linguistics e culturèi del Comun General de Fascia e MarameoLab à endrezà la 4a edizion de Berlichete, n laboratorie creatif per bec per sensibilisèr la doura del lengaz de mendranza e per l’inclujon linguistica. Vigni edizion la é desvaliva, chest’outa se à rejonà de musega e de respet del ambient.

I reports de chesta setemèna i é stac enjigné e porté dant da Angela Pederiva e Riccardo Zanon.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdì) e de lunesc da les 11.30 (mesa les doudesc) e sun **AltoAdige TV – canal 11 de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina.

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)